

НА УТРЕНИ

На Бог Господь: тропарь воскресен (дважды).

Слава, новомучеником, глас 4:

Днесь радостно ликует Церковь Русская, / прославляющи
новомученики и исповедники своя: / святители и иереи, /
царственныя страсотёрпцы, / благоверныя князи и кня-
гини, / преподобныя мѹжи и жены / и вся православныя хри-
стианы, / во дни гонения безбожнаго / жизнь свою за веру во
Христа положившия / и кровью Истину соблюдшия. / Тех
предстательством, Долготерпеливе Господи, / страну нашу в
Православии сохрани // до скончания века.

И ныне, глас 4:

Еже от века утаеное / и Ангелом несведомое таинство, / То-
бою, Богородице, сущим на земли явися Бог, / в неслитном
соединении воплощаемь, / и Крест волею нас ради вос-
приим, / имже воскресив первозданнаго, // спасе от смерти
души наша.

Величание:

Величаем вас, / святии новомученицы и исповедницы Рос-
сийстии, / и чтим честная страдания ваша, / яже за Христа /
претерпели есте.

Псалом избранный:

Бог нам прибежище и сила, / помощник в скорбех, обретших
ны зело. Сего ради не убоимся, внегда смущается земля, и
предлагаются горы в сердца морския. Возшумеша и смя-
тошася воды их, смятошася горы крепостию Его. Речная
устремления веселят град Божий: оставил есть селение свое
Вышний. Бог посреде его, и не подвижится: поможет ему

Бог утро заўтра. **Смято́шася** язы́цы, уклони́шася ца́рствія: даде глас свой Вы́шний, подвѣ́жеся землѣ́. **Господь** сил с нами, заступник наш Бог **Иа́ковль**. **Приидіте** и вѣдите дела **Бо́жия**, яже положи́ чудеса́ на землі́: **Отъемля** брани до конец земли, лук сокрушит и сло́мит ору́жие, и щиты́ сожжѣт огнѣм. **Упразднітеся** и уразумѣйте, яко **Азь** есмь Бог: вознесу́ся во язы́цех, вознесу́ся на землі́. **Госпо́дь** сил с нами, заступник наш Бог **Иа́ковль**.

Прокимен, глас 4: Проидо́хом сквозе́ огонь и воду,/ и извел еси ны в покой. **Стих:** Разжегл ны еси, якоже разжизается сребро.

По 50-м псалме стихира, глас 6:

Церкве Русския столпи непоколебѣими,/ соборе новомучеников и исповедников Россійских,/ сердцем верующе в правду,/ усты Господа Иисуса Христа исповедали есте во спасѣние,/ и заточения, изгнания, горькия рабѣты и смѣрть/ Бога ради сладце претерпѣли есте./ Темже тепле молитесь ко Го́споду,/ Русь Святую в Православии утверди́ти// и спасти́ души на́ша.

Ирмосы канона новомучеником, глас 6.

Песнь 1

Ирмос: Сеченное сечется/ море Чермное,/ волнопитаемая же иссушается глубина,/ таяжде купно безоружным бывши проходима и всеоружным гроб./ Песнь же богокрасная воспевашеся:/ славно прославися Христос Бог наш.

Песнь 3

Ирмос: Господь Сый всех и Зиждитель Бог,/ созданное, безстрастный обнищав, Себе соедини,/ и Пасха, за яже хотяше умерети,/ Сам Сый Себе предпожре/ ядите, вопия, Тело Мое,/ и верою утвердитеся.

Песнь 4

Ирмос: Провидев пророк тайну Твою неизреченную,/ Христе, провозгласи:/ положил еси твердую любовь крепости, Отче Щедрый,/ Единородного бо Сына, Благий,/ очищение в мир послал еси.

Песнь 5

Ирмос: Союзом любви/ связуеми апостоли,/ владычествуящему всеми себе Христу возложше,/ красны ноги очищаху,/ благовествующе всем мир.

Песнь 6

Ирмос: Бездна последняя грехов обыде мя/ и волнения не ктому терпя,/ яко Иона, Владыще вопию Ти:/ от тли мя возведи.

Кондак новомучеником, глас 3. Подобен: Дева днесь:

Днесь новомученицы Россійстии/ в ризах белых предстоят Агнцу Бóжию/ и со Ангелы песнь победную воспевают Бóгу:/ благословение, и слава, и премудрость,/ и хвала, и честь, и сила, и крепость// нашему Бóгу во вéки векóв. Амíнь.

Песнь 7

Ирмос: Отроцы в Вавилоне/ пещнаго пламене не убояшася,/ но посреде пламене ввержени,/орошаемы пояху:/ благословен еси Господи Боже отец наших.

Песнь 8

Ирмос: За законы отеческия/ блаженнии в Вавилоне юношы предбедствующе,/ царюющаго оплеваша повеление безумное,/и, совокуплены, имже не сваршася огнем,/ державствующему достойную воспеваху песнь:/ Господа пойте, дела,/ и превозносите во вся веки.

Песнь 9

Ирмос: Странствия Владычня/ и безсмертныя трапезы на Горнем месте/ высокими умы,/ вернии, приидите, насладимся/ возшедша Слова,/ от Слова научившеся,/ Егоже величаем.